

Mid-Day Dogri News Bulletin, 25 December 2024

समे – 12:25 hrs.

<><><><><><>

PM-MP Visit

अज्ज साबका प्रधानमंत्री अटल बिहारी बाजपेयी हुंदी 100मीं जयंती ऐ। इस दिन गी सुशासन दिवस दे रूप च मनाया जंदा ऐ। बाजपेयी होरें गी उंदी 100मीं जयंती पर श्रद्धांजलि भेंट करदे होई मोदी होरें आखेआ जे राष्ट्र अटल जी हुंदा 21मीं सदी च भारत च बदलाव दे निर्माता होने करी म्हेशा आभारी रौहंग प्रधानमंत्री होर अज्ज मध्य प्रदेश दे दौरे पर रौहंगन जित् ओह बहुउद्देशीय विकास परियोजनाएं दा खुजारो च नीह पत्थर रक्खंगन ते केइएं दा शुभारम्भ करंगन। श्री मोदी होर केन बेटवा नदी संपर्क राष्ट्रीय परियोजना दा नीह पत्थर बी रक्खंगन जेड़ी गै राष्ट्रीय योजना तैहत नदी परियोजनाएं गी जोड़ी आहली देश दी पैहली परियोजना ऐ। प्रधानमंत्री होर अटल बिहारी बाजपेयी हुंदी 100मीं जयंती दी यादगिरी च ाक टिकट ते सिक्का बी जारी करंगन। श्री मोदी 1,153 अटल ग्राम सुशासन इमारतें दा नीह पत्थर बी रक्खंगन।

<><><><><><>

PM-Malviya

प्रधानमंत्री नरेंद्र मोदी होरें शिक्षाविद ते समाज सुधारक पण्डित मदन मोहन मालवीय होरें गी उंदी जयंती पर श्रद्धांजलि भेंट कीती। इक सोशल मीडिया पोस्ट च मोदी होरें आखेआ जे इक

सक्रिय स्वतंत्रता सेनानी दे अलावा पण्डित मालवीय होर अपनी पूरी जिंदगी भारत च शिक्षा दे पहले अन्वेषक रेय ते देश आस्तै उंदा योगदान सारें आस्तै म्हेशा प्रेरणा दा जरिया रौहग।

<><><><><><>

PM-MKB

प्रधानमंत्री नरेन्द्र मोदी अपने माहवार रेणियो कार्यक्रम "मन की बात" दे राएं औंदी 29 दिसम्बर गी देश-विदेश च रौहने आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह् 117मीं किशत होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एहदे इलावा एह् प्रसारण आकाशवाणी खबरें दी वैबसाइट ते न्यूज़ ऑन ए.आई.आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचार, पी.पी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा ागरी च एहदा अनुवाद बी प्रसारण कीता जाहग।

<><><><><><>

Outdated-Law

केंद्री मंत्री ाँ. जतिंद्र सिंह होरें आखेआ जे शासन गी आसान बनाने ते लोकें दे हितें दा मता ध्यान रखदे होई तकरीबन 2 जहार पुराने कन्नूनें ते बंदिशें गी खतम कीता गेआ ऐ। सुशासन दिवस पर बोलदे होई ाँ. जतिंद्र सिंह होरें आखेआ जे महत्वपूर्ण उपलब्धियां ते शासन सरबन्धी

सुचारु प्रधानमंत्री नरेंद्र मोदी हुंदे नेतृत्व च गै लेआंदे गए न। नमीं दिल्ली च इक कार्यक्रम दौरान ॥. जतिंद्र सिंह होरें आखेआ जे सरकार पारदर्शिता, नमापन ते लोकें दे हितें आहली नीतिएं पर कम्म करने लेई बचनबद्ध ऐ जेदे करी भारत च शासन दे मायने बदली गए न।

<><><><><><>

Rajouri-GMC

ऐतवार रातीं इक गर्भवति महिला दी मौत होने मगरा गौरमेंट मेडिकल कॉलेज राजौरी दे 5 ॥क्टरें गी निलंबित करी दिता गेआ ऐ। निलंबित ॥क्टरें गी सरबंधित अस्पतालें दे मेडिकल सुप्रींटेंडेंट दे दफ्तर कन्नै अटैच कीता गेआ ऐ जदकि 2 ॥क्टरें ते 8 दुए स्टाफ गी Show Cause नोटिस जारी कीता गेआ ऐ। जीएमसी राजौरी प्रशासन नै भरोसा दोआया ऐ जे इस मामले दी तफसीली जांच चला'रदी ऐ ते नतीजे आने पर स्हेई ढंग्गै कन्नै कार्रवाई कीती जाग।

<><><><><><>

RTO-Jammu

इक खास मुहिम तैहत मोटर वाहन विभाग नै कल जम्मू जिले दे रैपर सतवारी खेतर च 40 गड़्पिएं गी 2 लक्ख रपे शा मते दा जुर्माना कीता। अधिकारिक जानकारी मूजब 1 गड़्पी गी रजिस्ट्रेशन नंबर प्लेट छपैलने करी जुर्माना कीता गेआ ते मोटर वाहन कन्नू तैहत 4 ड्राइविंग लाइसेंसें गी रद्द कीता गेआ। शिड़क सुरक्षा गी बदाने आस्तै ड्राइवरें, कं॥क्टरें ते गड़्पी दे मालकें गी शिड़क सुरक्षा नियमें बारै जागरूक बी कीता गेआ।

<><><><><><>

Prez. VP PM Christmas

राष्ट्रपति द्रौपदी मुर्मू ते उपराष्ट्रपति जगदीप धनखड़ हारें देसैं गी क्रिसमस दियां शुभकामनां दितियां न। इक सोशल मीडिया पोस्ट च राष्ट्रपति हारें आखेआ जे क्रिसमस दा त्यौहार यीशू मसीह हुंदी प्रेम, दयाभाव ते करुणा दी शिक्षा दा चेत्ता नोआंदा ऐ। उनें लोकें गी समाज च खुशी फैलाने, समानता गी बढ़ावा देने ते एकता दा जज्बा मजबूत करने आस्तै आखेआ। उपराष्ट्रपति जगदीप धनखड़ हारें शुभकामनां दिंदे होई आखेआ जे क्रिसमस दा त्यौहार शांति ते भाईचारे दा स्नेहा दिंदा ऐ। प्रधानमंत्री नरेंद्र मोदी हारें देशवासिणं गी क्रिसमस दे त्यौहार दी शुभकामनां दितियां ते आशा कीती जे भगवान यीशू मसीह हुंदी शिक्षा सारेंगी शांति ते खुशहाली दी बतै पर अगड़ा पाग।

<><><><><><>